



«ЖҰМЫЛА  
КӨТЕРГЕН  
ЖҮК  
ЖЕҢІЛ»

2-бет



АЖАЛҒА  
АСЫҒУ:  
АУРУ МА,  
ТАҢДАУ МА?

4-бет

# ЗАҢ

# газеті

✉ zangazet@mail.ru

№45 (3576) 20 маусым 2023



ZANMEDIA.KZ

Қоғамдық-саяси, құқықтық газет

БҮГІНГІНІҢ БАС ТАҚЫРЫБЫ

## ҚҰРЫЛТАЙ - ТҮРКІСТАН ТӨРІНДЕ



Осыдан бір жыл бұрын Ұлттық құрылтайдың алғашқы отырысы ұлт ұясы – Ұлытауда өткен еді. Игі үрдіс биыл жалғасын тауып, маңызды жиын Түркістан төрінде ұйымдастырылды. Мемлекет басшысы Қасым-Жомарт Тоқаев қатысқан басқосуда елдің рухын көтеретін, халықтың бірлігін нығайтатын, бір мақсатқа ұйыстыратын іргелі мәселелер талқыға салынды.

(Соңы 3-бетте)

ҰТЫСТАН  
ҚҰР  
ҚАЛМАҢЫЗ!

Біздің басылымдарға жазылып,  
ұтысты болыңыз!  
Басты сыйлық – **АЙФОН 14 ПРО МАКС!**

Бұдан бөлек: Айфонның құлаққабы, сағаты, 2 REDMI NOTE 11 Pro ойнатылады. Сондай-ақ, қысқатолқынды пеш, шаңсорғыш, үтік секілді көптеген тұрмыстық техникалар бар. Бірқатар жұлдегер «Заң» медиа-корпорациясының қолдауымен жарыққа шыққан «ШЫТЫРМАН» шығармалар жинағына ие болады.

**ҰТЫСҚА ҚАТЫСУ  
ҮШІН НЕ КЕРЕК?**

Ол үшін пошта бөлімшесіне барып:  
«Заң газетіне» (индекс – 65921); «Юридическая газетаға» (индекс – 65928); «Заң» журналына (индекс – 75849); «Фемида» журналына (индекс – 75858) жыл соңына дейін жазылып, түбіртектің көшірмесін бізге жолдасаңыздар болғаны!

Екі басылымға жазылғандардың мүмкіндігі екі есе өседі!

ҰТЫС ИЕГЕРЛЕРІ  
17 ШІЛДЕДЕ АНЫҚТАЛАДЫ.

Ал, іске сәт!



СӘТІ ТҮСКЕН СҰХБАТ

Қайрат ЧАҚПАНТАЕВ,  
Абай облыстық сотының төрағасы:

### «ХАЛЫҚҚА КЕРЕГІ - АДАМИ ҚАРЫМ-ҚАТЫНАС»



– Президент Жарлығымен Абай облысының құрылғанына да жыл толды. Жаңа облыстың жұмысын жолға қою оңай шаруа емес. Оның ішінде облыстық соттың да аяғынан тік тұрып кетуі үшін қыруар жұмыс атқарылған болар?

– Еліміз үшін Семейдің орны бөлек. Бұл өңірді Абайдың, Мұхтардың, Шәкәрімнің елі деп қадірлейді. Алаш арыстарының басын қосып, озық идеяларының отаны болған Семейдің облыс орталығына айналуы біз үшін үлкен қуаныш. 2022 жылғы 8 маусымдағы Президент Жарлығына сәйкес, бұрынғы Семей облысы Шығыс Қазақстан облысынан бөлініп шығып, Абай облысы болып бекітілді. Жаңа облысты алға жетелейтін жаңа құрам жасақталды.

Абай облыстық сотына төраға болу – маған да үлкен жауаптылық артты.

(Соңы 5-бетте)

ЗАҢ ЖОБАСЫ

## ҰЛТТЫҚ ҚОР ҰРПАҚҚА ҚЫЗМЕТ ЕТЕДІ

Ұлттық қордан кәмелетке толмаған балалар үлес алмақ. Бұл қаржы олардың еншісіне қордың инвестициялық табысынан тиеді. Қор кірісінің осы 50 пайызы жыл сайын кәмелет жасына толмаған балаларға теңдей бөлінеді. Қаржы тұрғын үй жағдайын жақсарту немесе тұрғын үй сатып алуға және білім алуға жұмсалады.

Бірінші мақсатта қаражат тек Қазақстан аумағында пайдалануға рұқсат етілсе, ал білім алу үшін ақша баланың ел ішіндегі оқу орындарымен қатар, шетелдік оқу орнына ақы ретінде төленуі мүмкін. Осылайша ұлттық қордан бөлінетін үлес кәмелетке жаңа толған қазақстандықтардың ересек өмірге қадам басқан кезінде бастапқы капиталы болуына жол ашпақ. Қаржы әр бала 18 жасқа толғанға дейін аударылады, оны мерзімінен бұрын есепшоттан шығарып алуға болмайды. Тиісін-

ше, Қазақстан азаматтығынан шыққан кезде оны алу құқығы да жоғалады.

Парламент Мәжілісінің жалпы отырысында бірінші оқылымда мақұлданған «Қазақстан Республикасының кейбір заңнамалық актілеріне ҚР Ұлттық қорынан балаларға төлем жасау мәселелері бойынша өзгерістер мен толықтырулар енгізу туралы» заң жобасының басты жаңалығы осы. Жаңа құжатты алқалы жиында Мәжіліс депутаты Үнзила Шапақ қорғады.

Ұлттық қордың 2000 жылы құрылғаны белгілі. Басты мақсат – еліміздің табиғи байлығы есебінен ұрпақ игілігіне қаражат жинақтау. Аталмыш заң жобасы Президенттің «Ұлттық қор – балаларға» атты бағдарламасындағы тапсырмасын орындау мақсатында дайындалған.

Әлеуметтік жобаларды іске асыру бойынша көп жылдық тәжірибесін және мемлекеттік дерекқорлармен жұмыс істеу мүмкіндігін ескере отырып, жоба операторы ретінде «Бірыңғай жинақтаушы зейнетақы қоры» АҚ-ны белгілеу жоспарланып отыр. Бұл ұйым ақпараттық жүйеде нысаналы қатысушылардың талабын есепке алу, нысаналы жинақтарды алушыларға жинақтау шотын ашу, шоттағы жинақтарды есепке алу, нысаналы жинақтарды

төлеу, Мемлекеттік органдардың ақпараттық жүйесінен дербес деректерді субъектілер келісімінсіз жинау және өңдеу, БЖЗҚ интернет-ресурсы және электрондық үкімет веб-порталының жеке кабинеті арқылы нысаналы талаптар мен нысаналы жинақ сомасы туралы мәліметтерді ұсыну міндетін атқарады.

Құжат жобасын талқылау барысында депутаттар балаларға арналған қаражаттың барынша мақсатқа сай пайдаланылуын көздеп, біраз мәселені анықтауға тырысты. Ал бала туғаннан кейін аталмыш қаражатты есептеу және төлеу қалай жүзеге аспақ? Мамандар пікірінше Ұлттық банктің қарамағындағы Ұлттық қордан шығатын ақшаға инвестициялық есептеу жүргізіледі. Яғни, есепшоттар ашылғаннан кейін оған балаларға есептелген ақша келіп түседі. Ұлттық қорда сақталып тұратын бұл қаражат инвестициялық мақсатта жұмсалып жатады. Тұрғын үй жағдайын жақсарту – Отбасы банкі, ал білім алуға ақша алу азаматтың қалауы бойынша екінші деңгейлі банк арқылы жүзеге асады. Банктер одан еш пайда көрмейді. Олар ақшаны оқу орнының есепшотына аударады.

(Соңы 8-бетте)













